



古今事文類聚

續集

十五之十六

X
99
50

逍遙文庫
文庫 6
28
50





新編古今事文類聚續集卷之十五

建安 祝穆 和父 編

金陵 唐富春 子和 刊

燕飲部

罰飲

酒令

羣書要語觴其不敬者周禮兕觥其觶注罰爵也觶然不用桑

凡此飲酒或醉或不既立之監或佐之史彼醉不臧不醉反
耻式勿從謂無裨太怠匪言勿言匪由勿語由醉之言俾出童
殺三爵不識矧敢多又黃賓之初筵

詩句明當罰一子已洗兩玉舟坡全篇見飲器明 百罰深盃亦不辭杜

事文類聚續集 卷之十五

快須飲此勿復辭何用區區較醒醉坡好詩惡韻應難和刻燭
應須便置觥坡

古今事實

揖遜而飲

子曰君子無所爭必也射乎揖讓而升下而飲其爭也君子

揚觶而酌

智悼子卒未葬晉平公飲酒師曠季調侍鍾鼓杜蕢入寢酌曰
曠飲斯又酌曰調飲斯又酌堂上北向而飲之降趨而出皆謂
平公呼而進之曰蕢曩者爾心或開予是以不與爾言爾飲曠
何也曰子卯不樂紂以甲子死桀以乙卯亡王者謂知悼子在
堂斯其為子卯也大矣言大臣喪重曠也大師也不以詔是以

飲之也師典爾飲調何也曰調也君之藝臣也為一飲一食志

君之疾是以飲之也言調食酒食藝近也爾飲何也曰蕢也宰

夫也非刀匕是共又敢與知防是以飲之也防禁公曰寡人亦

有過焉酌而飲寡人杜蕢洗而揚觶公曰如我死則必無廢斯

爵也遂謂之杜舉檀弓

浮以太白以下係酒令

魏文侯與大夫飲使公乘不仁為觴政曰飲若不盡浮之太白
文侯不盡公乘不仁舉白浮君也說苑

遺令棄酒

齊桓公置酒令曰後者飲一經程管仲後當飲一經程而棄其
半公曰何也曰臣入口者舌出舌出者棄身與其棄身不寧棄

酒乎。公曰善。韓詩外傳

酒令起東漢

古者酒令名卷白波起於東漢。檮曰波賊如席卷故酒席言以快人意。事始

習字令

後魏孝文帝會群臣酒酣帝舉卮曰三三橫兩兩縱誰能辨之賜金鍾越城王勰曰此是習字。伽監記

酒後爭令

元相公在浙東賓幙有薛書記酒後爭令以酒器擲傷公猶子遂出幕作十離詩以獻。見離別門

薛濤改酒令

高駢鎮成都命酒佐薛濤改一字令曰須得一字象形又須逐韻公曰口有似沒梁斗濤曰川有似三條椽公曰奈何一條曲濤曰相公為西川節度尚使一沒梁斗至於窮酒佐有三條椽內一條曲又何足恠。丁用晦芝田錄

古今文集

雜著 以下係酒令

招手令

皇甫嵩

亞其虎膺謂手掌曲其松根謂指節以樽鳴問虎膺之下樽鳴大指也。以鈎戟差玉柱之旁鈎戟頭指玉柱中指也。潛虬闕玉柱三分潛虬無名指也。奇兵闕潛虬一寸奇兵小指也。死其三洛謂駭其腕也。生其五峯通呼五指也。類說

酒令屬對

唐人飲酒必為令以佐歡其變不一樂天所謂閑徵雅令窮經史韓退之令徵前事為之今猶有其遺習也嘗有人舉令云馬援以馬革裹屍死而後已答者乃云李耳以李樹為姓生而知之又鉏麀觸槐死作木邊之鬼答者以豫讓吞炭終為山下之灰皆可謂精的也復有舉經句字相屬而文重者曰火炎崐岡乃有土圭測景酬之此亦不可多得也 蔡寬夫詩話

松子搏拳

孔常甫言唐人詩有云城頭推鼓傳花板席上搏拳握松子乃知酒席藏闈為戲其來久 東臯雜錄

酣飲

羣書要語困于酒食 困卦 有孚于飲酒濡其首亦不知節也 未濟 其酒嗜音未或不亡 五子之歌 敢有酣歌于室時謂坐風 伊訓 賓之初筵温温其恭其未醉止威儀及友曰既醉止威儀備 備舍其坐遷屢舞仙仙賓既醉止載號載歌亂我邊豆屢舞傲 傲是曰既醉不知其郵側弁之俄屢舞僂僂 賓筵 醉者墮車雖 疾不死彼得全於酒猶若是况全於天乎 莊達生 唯酒無量不 及亂 昔之飲酒有揖讓而酬酢百拜以為禮者有叫號屢舞 如沸如羹以為極者有裸裎袒裼以為達者有資絲竹金石之 樂以為和者有以數促糾迷而為昏者 柳文

詩句誰能更拘束爛醉是生涯杜將何謝青春醉飲三百盃杜
三盃容小阮醉後發顛狂李我醉都不知但覺紅綠敗坡不當
愛一醉倒倩路人扶山谷先拚一飲醉如泥杜莫思身外無窮
事且盡生前有限盃杜共成一百七十歲各醉三萬六千場坡

古人事實

羲和酒淫

羲和酒淫廢時亂日徂徃征之

以酒爲池

紂好酒淫樂戲於沙丘以酒爲池以肉爲林爲長夜之飲百姓
怨望史

千鍾百盞

昔平原君與子高飲強子高酒曰昔有遺諺堯舜千鍾孔子百
斛子路嗑嗑尚飲百榼古之賢聖無不能飲也吾子何辭焉子
高曰以予所聞聖賢以道德兼人未聞以飲也平原君曰卽如
先生言則此言何生子高曰生於嗜酒者益以勸勵之辭非實
然也孔叢子

聚酒積麴

子產有兄曰公孫朝好酒朝之室也聚酒千鍾積麴成封糟漿
之氣逆於人鼻方甚荒於酒也不知世道之安危人理之悔云
滅燭臺衣

平原君夜飲燭滅客牽美人衣美人絕其纓
窟室夜飲

鄭伯有嗜酒爲窟室壑谷夜飲而擊鍾爲子皙所焚左

未上其夜

桓公樂飲以火繼之敬仲辭曰臣上其晝未上其夜

進執爨

趙襄子與代主飲陰告厨人曰卽酒酣樂進執爨史張儀傳

能飲一石

威王問淳于髡曰先生能飲幾何而醉髡曰賜酒大主之前執法在旁御史在後恐懼俯伏不過一斗徑醉矣若親有嚴客奉觴上壽不過一斗若朋友交遊又不相見卒然相睹歡然道故私情相飲可五六斗若乃州閭之會男女雜坐六博投壺相引爲曹握手無罰目眇不禁此可飲八斗日暮酒闌合尊促席男

女同席烏覆交錯堂上燭滅主留髡而送客羅襦襟解微聞新澤當此之時髡心最樂能飲一石故曰酒極則亂樂極則悲以諷諫焉齊王曰善乃罷長夜之飲史記

日飲無何

漢表益遷吳相益兄子種謂曰吳王驕日久國多奸今絲欲刻治彼不上書告君則利劍刺君矣南方卑濕絲能日飲亡何說王母反而已如此幸得脫益用其計吳王厚遇益

吏舍歌呼

曹參代蕭何爲相擇郡國吏謹厚者卽召除爲丞相史吏言又刻深欲務聲名輒斥去之日夜飲酒卿大夫以下吏及賓客見參不事事來者皆欲有言至者參輒飲以醇酒度之欲有言復

飲酒醉而後去終莫得開說相舍後園近吏舍吏舍日飲歌呼
從吏患之無如何迺請參遊後園聞吏醉呼乃反取酒張坐飲
大歌呼與相和參于密為中大夫惠帝恠參不治事謂密曰女
歸試從容問乃父曰君為相國日飲無所請事何以憂天下密
歸而諫參怒而笞之至朝帝讓參參免冠謝曰高帝與何定
天下法令既明具陛下垂拱參等守職遵而勿失不亦可乎帝
曰善君休矣本傳令出休息

灌夫罵座

漢田蚡為丞相娶燕王女為夫人詔宗室列侯皆往賀魏其侯
竇嬰欲與灌夫俱夫謝曰夫數以酒失過丞相丞相令者與夫
有隙嬰強與俱酒酣蚡起為壽坐皆避席伏已嬰為壽獨故人

避席余半膝席夫行酒至蚡蚡膝席曰不能滿觴夫怒因嬉笑
曰將軍貴人也畢之蚡不肯行酒至臨汝侯灌賢賢方與持不
識耳語又不避席夫怒罵曰平生數程不識不直一錢今日長
者為壽迺欲效兒女曹咕囁耳語蚡曰程李俱東西宮衛尉今
眾辱程將軍仲孺獨不為李將軍地乎夫曰今日斬頭亢匈何
知程李蚡怒曰此吾驕灌夫罪也藉福起按夫項令謝夫愈怒
不肯順蚡召長史曰今日召宗室有詔劾灌夫罵座不敬得棄
市罪

以醉失儀

東方朔嘗醉入殿中小遺殿上劾大不敬免為庶人 張安世
為光祿勳郎有醉小使殿上主事曰行法安世曰何以知其非

反水漿耶其掩入過如此

使酒難近

季布為河東守孝文時人言其賢者孝文召復有言其勇使酒難近至留邸一月見罷

醉歸廢事

陳遵日出醉歸曹事數廢西曹以故事適之侍曹詣寺舍白遵遵曰滿百乃相聞以故事有百適者斥

吐汚車茵

丙吉字少卿馭吏嗜酒嘗從吉出醉嘔丞相車上西曹主吏白欲斥之吉曰以醉飽之失去士使此人將復何所容西曹地但忍之此不過汚丞相車茵耳

次公酒狂

平恩侯許伯入第丞相御史將軍中二千石皆賀蓋寬饒不行許伯請之乃往從西階上東鄉特坐許伯自酌曰蓋君後至寬饒曰無多酌我我迺酒狂丞相魏侯笑曰次公醒而狂何必酒也坐者皆屬目卑下之酒酣樂作長信少府擅長卿起舞為沐猴與狗鬪坐皆大笑寬饒不悅仰視屋而歎曰美哉然富貴無常忽則易入此如傳舍所閱多矣唯謹慎為得久君侯可不戒哉因起趨出劾奏長信少府以列卿而沐猴舞失禮不敬上欲罪少府許伯為謝良久上迺解

裸袒而飲

孝靈未常侍張讓子奉為大醫令與人飲酒輒去衣露形為戲

樂典論 洛陽令郭珍家臣億每召客侍婢數十盛裝飾羅綺披
之裸袒其中使進酒同上

以聖賢命名

魏太祖時禁酒人竊飲之故難言酒以白酒為聖人清酒為賢
人魏略

醉後欲殺

孫權既為吳主歡宴之末自起行酒虞翻伏地佯醉不起權大
怒手拔劍欲擊之劉基抱權諫翻由是得免權因勅自今酒後
言殺皆不得殺也吳志

強使多飲

孫皓每饗宴無不竟日坐席無能言率以七升為限雖不悉入

口皆澆灌取盡常曜素飲酒不過一升初見禮異時常為裁減
或密賜茶茗以當酒至於寵衰更見逼強輒以為罪又於酒後
使侍臣難折公卿以嘲弄侵尅發擿私短為歡笑吳志

針驗醉醒

劉表設太針於杖端客有酒輒以刺之驗醉醒也典論

酒五百斛

吳鄭泉字文淵嗜酒每云願得美酒滿五百斛船以四時甘脆
置兩頭反覆飲之德即住啖肴膳酒有升斗減隨即益之

時中聖人

徐邈字景山仕魏為尚書郎時禁酒而邈私飲沉醉趙達問以
曹事邈曰中聖人達曰之太祖怒鮮于輔進曰醉客謂酒清者

爲聖人濁者爲賢人邈偶醉言耳後文帝幸許昌問邈曰頗復
中聖人否邈曰昔子反斃於穀陽御叔罰於飲酒臣嗜同二字
不能自懲時復中之帝大笑曰名不虛立

得酒中趣

孟嘉好酣飲愈多不亂桓温問嘉酒有何好而卿嗜之嘉曰公
未得酒中趣耳本傳

得老兵

謝奕嘗逼桓温飲温走入南康主門避之主曰君若無狂司馬
我何由得相見弈遂携酒就廳事引温一兵帥共飲曰失一老
兵得一老兵亦何所惟温不之責本傳

劉伶酣醉

劉伶縱酒或脫衣裸形在屋中人見譏之伶曰我以天地爲禱
宇屋室爲禪衣諸君何爲入我禪中世說常乘鹿車携一壺酒
使人荷甬而隨之曰死便埋我

畢卓獲間

畢卓爲吏部郎比舍郎釀熟卓夜至獲間盜飲爲掌酒者所縛
且視之乃畢吏部遂引卓入宴於甕側致醉而去嘗謂人曰給
酒滿數百斛船四時甘味置兩頭左手持蟹螯右手持酒盃拍
浮酒船中便足了一生矣

倒着白接離

山簡字季倫爲荊州時出高陽池大醉而歸人歌曰時時能騎
馬倒着白接離

居喪飲酒

阮藉遭母憂在晉文王座進酒肉司隸何曾亦在座曰明公方以孝理天下而阮藉以重哀顯於公座飲酒食肉宜流之海外以正風教文王曰嗣宗毀頓如此君不能共憂之且有疾而飲酒食肉固喪禮也藉飲噉不輟神色自若步兵校尉厨中有貯酒數百斛藉乃求為步兵

騎馬似乘船

阮咸醉騎馬歌傾人皆指而笑曰箇老子騎馬如乘船行波浪中

羣豕共飲

諸阮皆能飲酒咸至宗人間共集不復用杯觴斟酌以太盆盛

酒團坐相向更飲時有群豕來飲其酒咸直接去其上使共飲之

窺狗竇太叫

光逸字孟祖為胡毋輔之所器屬輔之與謝鯤阮放畢卓羊曼栢靈阮孚散髮裸袒閉室酣飲已累日逸將排戶入守者不聽逸便於戶外脫衣露頂於狗竇中窺之而大呼輔之驚曰他人決不能爾必我孟祖也遽呼入遂與飲不捨晝夜時人謂之公達

客飲腐膾

晉周顛在北時能飲酒一石及過江雖日醉每稱無對偶有舊對從北來顛欣然出二石酒共飲各大醉及顛醒使視客已腐

事類彙編 卷之五十一 十一
晉而死

墮積

更數字，子嵩於東海王越坐頽然醉墮積几上。

飲人狂藥

長水校尉孫季舒嘗與石崇酣燕慢傲過度崇欲表免之裴楷聞之謂崇曰足下飲人狂藥責人正禮不亦乖乎楷傳

醉不廢事

孔顛為江夏內史性便酒每醉輒彌日不醒居常貧罄未嘗關懷為府長史典籤諮事不呼前不敢前不令去不敢去雖醉日居多而明曉政事醉時判決未嘗有雍眾咸云孔公一月二十九日醉勝世人一月二十九日醒也

太妻嗜酒

沈文季出為吳興太守文季飲酒至五斗妻王氏飲亦至三斗常對食竟日而視事不廢

玉山頽

嵇康醉倒如玉山之將頽

道間酣飲

裴粲未為丹陽尹嘗步裸白楊郊野間道遇一士太夫便呼與飲酣明日此人謂被知頻到門下求進粲曰昨飲酒無獨聊相要耳竟不與相見

飲諸將醇酒

晉羊祜鎮荊州每與吳人交兵越日方戰不為掩襲之計諸將

事類彙編

卷之五十一

十一

欲進謫詐之策者輒以醇酒使不得言

不如一盃酒

張翰任心自樂不求當世或謂之曰卿乃可縱適一時獨不為身後名耶答曰使我有身後名不知即時一盃酒時人貴其曠達

被髮裸形

晉王忱字元達坦之子也性嗜酒一飲連月不醉每日三日不飲便覺精神不相親婦父常有恡忱乘醉曳之婦父慟哭忱與客十餘人連臂被髮裸見而入繞之二匝而出

酒泉太守

晉有羌人桃馥字世芳充廐園每醉中好言王者興亡之事常

云九河之水不足以清麴蘖八藪之木不足以爲薪蒸七澤之糜不足以充庖俎言渴於酒群輩呼爲渴羌武帝授以朝歌守馥願且爲馬園時賜美酒以樂餘年帝曰朝歌紂之舊都地有酒池故使老羌不復呼渴固辭遷酒泉太守地有清池其味若酒馥乘醉拜受焉拾遺記

劇飲不亂

華歆能劇飲至石餘不亂常整其衣冠號曰華獨坐

將老糟丘

陳暄嗜酒兄子秀致書於暄友與以諷諫暄聞與秀書曰吾有此好已五十餘年汝以飲酒爲非吾以不飲爲過昔周伯仁渡江唯三日醒吾不以爲少鄭康成一飲三百盃吾不以爲多又

曰江謔識有言酒猶兵也兵可千日而不用不可一日而不備酒可千日而不飲不可一飲而不醉美哉江公可與共論酒矣吾生平所願身沒之後題吾墓曰陳故酒徒陳君之神道又云何水部眼不識孟鑄吾不離瓢杓汝寧與何同日而醒與吾同日而醉乎速管糟丘吾將老焉

以醉謁人

宋顏延之以醉謁河尚之尚之望見便陽眠延之發簾熟視曰朽木難雕尚之謂左右曰此人醉甚可畏

唯宜飲酒

梁謝朓在齊為吳興守弟滄為尚書於征虜者送朓指滄口曰此中唯宜飲酒故滄以長酣為事

騶卒對飲

謝幾卿為宋尚書左丞嘗預游苑宴不得縱酒致醉及還因詣道邊酒壚停車褰幔脫衣換酒與車前騶卒對飲觀者如堵幾卿處之自若清在錄

裸飲遺溺

梁謝幾卿為尚書左丞於省閣裸飲及醉小遺下遺令史為南司所彈幾卿亦不介意

明月對飲

宋謝諲不妄交接有時酌曰入吾室者但有清風對吾飲者唯當明月

大樂有大苦

北齊王紘字師羅為領左右都督又宣與左右飲酒曰快哉大樂紘曰亦有大苦帝曰何苦紘曰長夜荒飲不悟國破是謂大苦帝默然

夜分決事

崔咸累遷陝虢觀察使日與賓客僚屬痛飲未嘗醒夜分決事裁剖精明無一毫差吏稱為神

醉中召見

李白字太白有詔供奉翰林日與酒徒醉于市帝坐沉香亭意有感欲得白為樂章召入而白已醉左右以水頰面嘗侍帝醉使高力士脫靴力士素貴耻之

自誌醉死

唐傳奔病未嘗問醫忽酣卧厥然曰吾死矣乎即自誌曰傳奔青山白雲人也以醉死嗚呼

出飲遭劫

劉伯芻遷主客員外郎數過友家飲噎為常執誼所陰劫其處州參軍

三升可戀

王績其飲至五斗不亂人有以酒邀者無貴賤輒往者五斗先生傳武德中詔徵以揚州木合縣丞待詔明下省時省官例日給良醞三升君弟名靜為武皇下牛謂曰待詔可樂否君曰吾待詔祿俸殊為蕭瑟但良醞三升差可戀耳待詔江國公君之故人也聞之曰三升良醞未足以絆王先生判日給王待詔一

斗時人號為斗酒學士貞觀中以家貧赴選時太樂有府吏集
董家善醞酒冠絕當時君苦求為太樂丞選司以非士職不授
君再三請曰此中有深意且士庶清濁天下所安不聞莊周避
漆園老聃耻柱下卒授焉數月而焦革死妻袁氏時送美酒歲
餘袁又死君歎曰天乃不令吾飽美酒遂掛冠歸田自是大樂
丞為清流君葛巾聯牛躬耕東臯自稱東臯子

酣飲取喻

鴻臚孔群好飲酒王丞相詩云卿恒飲酒不見酒家覆餅布日
月久則糜爛群曰公不見糟中肉乃更堪又世說

曼卿豪飲

石曼卿喜豪飲與布衣劉潛為友嘗伴海陵潛訪之劇飲中夜

酒欲竭有醋斗餘乃傾入酒中併飲之明日酒醋俱盡每與客
痛飲露髮跣足着絨而坐謂之囚飲坐木杪謂之巢飲以囊束
之引首出飲復就束謂之繫飲類苑

以妻間坐

竇卞與王永年接熟卞知深州永年為監押遂至通家既而卞
在京師永年求監金曜門書庫卞為干提舉監司楊繪繪遂薦
之既相親暱永年嘗置酒延卞繪於私室出其妻間坐妻以左
右手掬酒飲卞繪謂之白玉蓮花杯其褻狎如此東軒筆錄

古今文集

雜著

酒箴 諷諫成帝

楊雄

酒客難法度之士譬之於物曰子猶瓶矣觀瓶之居居井之眉
處高臨深動常近危酒醪不入口藏水滿懷不知左右牽於纏
徽井索也一旦重上絹反礙礙為寔所擊音雷身提黃泉
骨肉為泥自用如此不如鴟夷常農鴟夷滑稽圍轉不腹如大
壺盡日盛酒人復借酤常為國器託於屬車天子屬車出入兩
官經營公家繇是言之酒何過乎見陳遵傳

能飲辯

王允

文王飲酒千鍾孔子百觚聖人膏腹小大與人均等若飲千鍾
宜食百牛能飲百觚則能食十羊使文王身如防風孔子身如
長狄文王孔子率禮之人垂譽後世豈千鍾百觚耶紂車行酒
騎行炙二十日為一夜拔紂以酒為池因車行酒以肉為林

因為騎行炙耳或是覆酒滂沱於池因以為池釀酒積糟曰為
五懸肉似林因言肉林耳論衡

晉蔡謨贊

王回

晉自武帝酒色無度王公貴人競以酒色相侈而王愷石崇尤
甚愷使美人行勸客飲不盡輒殺美人崇常夜飲諸少年酒裴
綽乘醉竊卧崇妾中明且裴家遣車迎綽綽上車馳去崇聞大
怒立殺數妾將訟綽於朝綽兄楷書請曰吾弟酒狂海內足知
足下飲以狂藥而反責之禮耶崇方慕楷欲交之亦憚其辭乃
止其後渡江諸君家往往猶襲故態紀瞻為尚書置酒請王導
委觀妓瞻愛妾能歌新聲左僕射護軍周顛乘酒於眾中挑之
而不得有司劾顛荒酒失儀元帝特詔宥焉是時在位益不以

淫酗為貶如此蔡謨獨好禮自敕嘗詔丞相導導方作役設床
席謨不悅而去導亦不留客也謨曾孫鄭子興宗仍以好神
自勅達於朝雖時淫暴不敢稍侵媒人稱其家風贊曰
古者牀第之言不踰閫而賓主燕享以觀禮樂講仁義也烏有
男女亡辨晝夜荒蠱群於禽獸而反以為樂歟此屠餘所以知
中山之亡夫永嘉之亂又驗矣而渡江君臣猶不知以此相儆
豈以風俗之敗為召亂之著者耶嗚呼迷哉而蔡氏出於其門
獨能世學好禮達而不汚君子哉

酒德頌

劉伶

有大人先生以天地為一朝萬期為酒更日月為扁牖八荒為
庭除君無轍迹行無室廬慕天席地縱意所知止則操卮執觚
動則挈榼提壺惟酒是務焉知其餘有費介公子搢紳處士聞
吾風聲議其所以乃奮袂攘襟怒目切齒陳說禮法是非鋒起
先生於是方捧罍承槽啣盃嗽醪奮箕踞林麴籍糟無思無
慮其樂陶陶兀然而醉悅爾而醒靜聽不聞雷霆之聲孰視不
見泰山之形不覺寒暑之切肌利欲之感借俯觀萬物擾擾焉
若江海之載浮萍一豪侍側焉如螺贏之與螟蛉

酒功讚

白居易

晉建威將軍劉伯倫嗜酒有酒德頌傳於世唐太子賓客白居易
易亦嗜酒作酒功讚以繼之其詞曰
交翅之英米泉之精作合為酒孕和產靈孕和者何濁醪一樽
霜天雪夜變寒為溫產靈者何清醑一酌離人遷客轉憂為樂

納諸喉舌之內淳淳泄泄醍醐沆瀣沃諸心骨之中熙熙融融膏澤和風百慮齊息時乃之德萬緣皆空時乃之功吾嘗終日不食終夜不寢以思無益不如且飲

醉鄉日月

皇甫嵩

凡醉有所宜醉花宜書襲其光也醉雪宜夜清其思也醉得意宜唱宣其和也醉將離宜擊鉢壯其神也醉文人宜謹節奏章程畏其侮也醉俊人宜益觥盃加旗幟助其烈也醉獲食暑資其清也醉水宜秋泛其爽也此皆審其宜攻其景反此則失飲之人矣

醉鄉記

王績

醉之鄉去中國不知其幾千里也其土曠然無涯無江陵阪險

其氣和平一揆無晦朔寒暑其俗大同無邑居聚落其人甚有無愛憎喜怒吸風飲露不食五穀其寢于于其行徐徐與鳥獸魚鼈雜處不知有舟車器械之用昔者黃帝氏嘗獲游其都歸而杳然喪其天下以為結繩之政已薄矣降及堯舜作為于鍾百壺之飲因姑射神人以假道蓋至其邊鄙終身太平禹湯立法禮繁樂雜數十代與醉鄉隔其臣義和弄甲子而逃冀臻其鄉失路而道天故天下遂不寧至于末孫桀紂怒而昇其糟其階級千仞南向而望卒不見醉鄉武王得志于世乃命公旦立酒人氏之職典司五齊拓土七千里僅與醉鄉達焉三十年刑措不用下逮幽厲迄乎秦漢中國喪亂遂與醉鄉絕而臣下之愛道者往往竊至焉阮嗣宗陶淵明等十數人並存于醉鄉沒

身不返死葬其壤中國以為酒仙云嗟乎醉鄉氏之俗豈古華
胥氏之國乎何其淳寂也如是余將游焉故為之記

送王含秀才序

韓愈

吾少時讀醉鄉記私性隱居者無所累於世而猶有是言豈誠
旨於味耶及讀阮籍陶潛詩然後乃知彼雖偃蹇不欲與世接
然猶未能平其心或為事物是非相感發於是有託而逃焉者
也若顏氏之操瓢與簞曾參歌聲若出金石彼得聖人而師之
汲汲每若不可及其於外也固不暇尚何翹彙之託而昏冥之
逃耶吾又以為悲醉鄉之徒不遇也建中初天子嗣位有意正
觀開元之不績在朝廷之臣爭言事當此時醉鄉之後世又以
直廢吾既悲醉鄉之文詞而又嘉忠臣之烈思識其子孫今予

之來見我也無所挾吾猶張之况文與行不失其世守乎雖然
且厚惜乎吾力不能振之而其言不見信於世也於是行姑與
之飲酒

書東臯子傳後

蘇子瞻

予終日飲酒不過五合天下之不能飲無在予下者然喜人飲
酒見客舉盃徐引則予胷中為之浩浩焉落落焉酣適之味乃
過於客閑居未嘗一日無客客至未嘗不置酒天下之好飲亦
無在予上者常以謂人之至樂莫若身無病而心無憂我則無
是二者矣然人之有是者接於予前則予安得全其樂乎故所
至常蓄善藥有求者則與之而木喜釀酒以飲客或曰子無病
而多蓄藥不飲而多釀酒勞已以為人何也予笑曰病者得藥

吾為之體輕飲者困於酒吾為之酣適蓋專以自為也東皇子
待詔開下省日給酒三升其弟靜問曰待詔樂乎曰待詔何所
樂但美醞三升殊可戀耳今嶺南法不禁酒予既得自釀月用
米一斛得酒六斗而南雄廣惠循梅五太守間復以酒遺予略
計其所獲殆過於東皇子矣然東皇子自謂五斗先生則日給
三升救口不暇安能及客乎若予者乃日有二升五合入野人
道士腹中矣東皇子與仲長子光游好養性服食預刻死自
為墓誌予益友其人於予載或庶幾焉

飲酒說

蘇子瞻

陶潛云但恐多謬誤君當知醉人此未醉時說也若已醉何暇
憂誤哉然世人言醉時是醒時語此最名言張安道飲酒初不

言多數與劉潛石曼卿飲但言當飲幾日而已歐公盛年能飲
百盞然常為安道所困聖俞亦能百許盞然醉輒高叉手而語
彌溫謹此亦知所不足而勉之非善飲者善飲者淡然與平時
無少異若僕者又何其甚飲一盞而醉醉味與數君何異亦無
所羨耳

費渴賦

何諷 英華

不宿食以晨飲困鍾盃以沉寢永春晝而高局墮幅巾而橫枕
及乎酒適衷腸神遊異方煙生喉舌倘然如狂爰數釐以窺汲
諒不在於呼吸俄據河而俯瀆乃罍卮而杯斛倒魚鱉之窟宅
見蛟龍之委伏猶胃腸之不波資宴飲而未足由是奔九江走
五湖手不暇於幹運心不怠於疇睹見波漸竭而百川如綫岸

專文類集卷之十五
益高而底於將枯腹慊爾而未覺肺燥然而不濡尋至大漠茫
然連清豈爾浩翰而吾量不盈斟酌未幾倏見涯涘百靈稽首
乞留濡漑吾腹未充豈汝為意俄頃竭於浩渺奄滴瀝而無遺
瑤宮貝闕盡列平地三山赤城可以步至鯨鯨發鳴相煦以晒
大鵬驚攪巨鰲懷胎四顧燥涸怛然興情此情何奇非吾所知
恨蒼海之可罄不足充吾之所思周遭有截塊然瑞塙水府萬
族咸呼帝闕帝且不聞吾欲求竭方將尋蟻垤期耿恭問姜母
以何在訪舒姑而欲從辨夸父於渭上弔相如於臨邛萬計已
盡六腑如燼日斜照飛蚊遶鬢既驚既覺可歎可笑飲不盡
器枯腸已瘵搢頤沉吟其意逾深以吾此日之一夢見自古不
足者之心

古詩

對酒

李白

天若不愛酒酒星不在天地若不愛酒地應無酒泉天地既愛
酒愛酒不愧天已聞清比聖復道濁如賢賢聖既已飲何必求
神仙三盃通大道一斗合自然但得酒中趣勿為醒者傳

將進酒

李白

君不見黃河之水天上來奔流到海不復迴又不見高堂明鏡
悲白髮朝如青絲暮成雪人生得意須盡歡莫使金樽空對月
天生我材必有用千金散盡還復來烹羊宰牛且為樂會須一
飲三百盃夫子丹仕生將進酒杯莫停與君歌一曲請君為
我傾耳聽鍾鼎玉帛豈足貴但願長醉不復醒古來賢聖皆
一

莫唯飲者留其名陳王昔日宴平樂斗酒十千恣歡譁主人
何用言少錢且須沽酒對君酌五花馬千金裘呼兒將出換美
酒與爾同消萬斛愁

飲中八仙歌

杜甫

知章騎馬似乘船眼花落井水底眠汝陽三斗始朝天道逢麴
車口流涎恨不移封向酒泉左相日興費萬錢飲如長鯨吸百
川街杯樂聖稱世賢宗之瀟洒美少年舉觴白眼望青天皎如
玉樹臨風前蘇晉長齋繡佛前醉中往往愛逃禪李白一斗詩
百篇長安市上酒家眠天子呼來不上船自稱臣是酒中仙張
旭三杯草聖傳脫巾露頂王公前揮毫落紙如雲烟焦遂五斗
方卓然高談雄辯驚四筵

唐李適之罷相詩遊賢初罷相樂聖且銜杯試問門前
客今朝幾箇來故子美詩益用此意

絕纓歌

李頎

楚王燕客喜章華臺章華美人善歌舞玉顏艷艷空相向蒲室目
逆不得語紅燭城芳酒闌羅衣半醉春夜寒絕纓解帶為一歡
君主赦過不之罪暗中珠翠鳴珊珊始愛賢不愛色責娥買死
誰能識果却三軍全社稷

謝客聞善二兒絕句

黃魯直

黃聞善名友聞此篇大槩以聞善與柳氏兄弟杯
酒相失為開廣之

身入醉鄉無畔岸心與歡伯為朋友更闌罵座客星散過年未

蘇髮鬚曾未嘗頃刻可去酒無有一日不吟詩詩在克念作酒
聖意美常思年少時群猪過飲尚可醉疥手輟羅庸何傷柳家
兄弟太迫窄狂藥不容人發狂莫作叫號驚四鄰囊中有地可
藏身淵明醉握遠公手大笑絕倒人不頃阮籍醉睡不論婚對
伶雞肋避尊拳至公凜凜有生氣飲酒真成不愧天公擇醉面
桃花紅人百忤之無温容華老夜闌傾數斗焚香默坐日生東
推牀破面長觸人作無義語怒四隣樽中歡伯笑爾輩我本和
氣如三春陶令舍中有名酒無日不為父老傾四坐歡欣觀酒
德一燈明滅又詩成阮籍劉伶智如海人間有道作糟丘酒中
無諍真三昧便要嵇康輸一籌

詩話

託酒遠世

石林詩話云晉人多言飲酒有至沉醉者此未必意真在於酒
蓋方時艱難人各懼禍惟託於醉可以疎遠世故蓋陳平曹參
以來用此策漢書記陳平於劉呂未判之際日飲醇酒戲婦人
是豈真好飲耶曹參雖與此異然方欲解秦之煩苛付之清淨
以酒杜人是亦一術不然如蒯通董無事而獻說者且將日走
其門矣流傳至嵇阮劉伶之徒遂全欲用此為保身之計此意
惟顏延年知之故五君詠云劉伶善閉關懷情戒聞見韶精日
沉飲誰知非荒宴如是飲者未必劇飲醉者未必真醉也後世
不知此凡濡於酒者往往以嵇阮為例濡首腐齋亦何恨於死
耶 漁隱

送酒曰唯

公燕合樂每酒行一終令人必唱唯酒然後樂作此唐人送酒之辭本作碎音今多為平聲文士亦或用之王仁裕詩淑景易從風車去芳樽須用管絃唯石林燕語

戒酒

羣書要語越夷國飲唯祀德將無醉酒語矧汝劓制于酒厥或詩惟工乃滔于酒勿庸殺之姑惟教之同上不為酒困語

詩一爾垂出處未嘗持酒盃歐中年畏病不舉酒孤負春來數百觴山谷慣眠處士雲庵裏倦醉佳人錦瑟傍坡復作騎

不勝驢此生斷酒不須扶山谷

古今事實

不以淫繼

陳公子完奔齊桓公使為正卿辭使為王正飲桓公酒樂公曰以火繼之辭曰臣上其書表上其夜不敢君子曰酒以成禮不繼以淫也以君成禮弗納於淫仁也莊二十二

以廢業斷

邴原舊能飲酒自行八九年酒不向口至陳留師韓子臨歸師友以原不飲酒陳仲子范仲博盧子幹會米肉送原原曰本能飲但以荒思廢業斷之今遠別可盡飲終日不醉

諫君戒飲

晉元帝頗以酒廢事，主導以為言。帝命酌引觴覆之，於此遂罷本紀。

亡親戒酒

陶侃每飲酒有定限，常歡有餘而限已竭，或勸更少進，侃悽悵良久曰：「年少曾有酒失，亡親見約，故不敢踰。」

醉輒自責

庾亮叔喪父，在常戒，喪以酒後，每醉輒自責曰：「余廢先人之戒，何以訓？」入乃於墓前自杖二十。

臨別戒飲

諸葛樂與管輅別，戒以一言：「卿性樂酒，雖温克然不可保，寧當節之。卿有冰鏡之才，所見者妙，禍如膏火，可不慎持。卿散才，以

游於雲漢之間，不憂不富貴也。輅言：「酒不可極，才不可盡，吾欲持酒以禮，持才以愚，何患之有？」邪別傳。

告新莫飲

劉玄明為山陰令，告新尹傳，謂曰：「作縣唯日食一升飯，莫飲酒，此為第一策。」

覆甌布爛

孔群性嗜酒，嘗戒之曰：「卿常飲，不見酒家覆甌布，日月久糜爛耶？」答曰：「公不見肉糟淹，更堪久耶？」

忍斷杯中物

吳衍好飲，後醉詬權貴，遂戒飲。阮宣命飲，衍曰：「近斷飲，宣以拳歐其背，曰：『看看老癯，疑漢忍斷杯中物耶。』抑而飲之。」

囚酒星

衛元規酒後忤丁僕射以書謝曰自茲囚酒星於天獄焚醉月於秦坑據吉

誑妻戒酒

劉伶嘗渴甚求酒於其妻七損酒毀器涕泣諫曰君酒太過非攝生之道必宜斷之伶曰善吾不能自禁惟當祝鬼神自誓耳往可具酒肉妻從之伶跪祝曰天生劉伶以酒為名一飲一石五斗解醒婦人之言真不可聽仍引酒御肉塊然後醉

欲言即飲

唐陽城為諫議大夫八年未肯去方日夜劇飲客欲諫止者城揣知其情強飲客客辭即自引滿客不得已與酬酢或醉仆席

中或先醉則客懷中不能聽客語

帝戒其飲

石延年字曼卿 真宗曰朕知卿有才矣但聞卿好飲酒恐醉不能了事延年曰臣非好飲酒蓋以自釋耳然臣雖醉其於臨事愈於不醉之人

友戒其飲

張文忠公喜酒飲量過人既登第通判濟州日飲醇酎往往至醉是時太夫人年已高頗憂之一日山東賈存道先生過濟文忠館之數日先生愛文忠之賢慮其以酒廢學生疾乃為詩示文忠曰聖君恩重龍顏選慈母年高鶴髮垂君龍母恩俱未報酒如成病悔何追文忠矍然起謝之自是非親客不對酒終身

未嘗至醉

古今文集

雜著

斷酒誡

庾闡

蓋神明智惠人之所以靈也。好惡情欲人之所以生也。明智運於常淮，好欲安於自然。吾以知窮智之害，性任欲之喪，真於是。惟金壘碎，玉椀破，兕觥捐，觚瓚。

家誡

魏王肅

夫家所以行禮養性，命歡樂也。過則為患，不可不慎。是故賓主百拜終日飲酒，而不得醉。先王所以避酒禍也。凡為主人飲客，使有酒色而已，無使至醉。若為人所強，必退席長跪，稱文戒以

辭之敬，仲辭君而况於人乎？為客又不得唱造酒史也。若為所屬下坐行酒，隨其多少，犯令行罰，亦有酒而已，無使多也。禍變之興，常於此作所宜深慎。

酒箴 井序

皮日休

皮子性嗜酒，雖行止窮泰，非酒不能適。居襄陽之鹿門山，以山稅之餘，繼日而釀。終年荒醉，自戲曰：醉士居襄陽之洞湖，以船船載醇酎一甕，往來湖上，遇興將酌，因自諧曰：酒民於戲吾性至荒而嗜於此，其亦為聖善之罪人也。又自戲曰：醉士自諧曰：酒民將天地至廣，不能容醉士酒民哉！又何必廁絲竹之筵，粉黛之座也？襄陽元侯聞醉士酒民之稱，訂皮子曰：子耽飲之性，於喧靜豈異耶？皮子曰：酒之道，豈止於充口腹樂悲歡而已哉！

古今文集

卷之二十一

二

甚則化上為淫弱化下為凶酗是以聖人節之以酬酢喻之以
誥訓然尚有上為淫弱所化化為亡國下為凶酗所化化為殺
身且不見前世之飲禍耶潞鄆舒有五罪其一嗜酒為晉所殺
慶封易內而耽飲則國朝遷鄭伯為室而耽酒終奔於駟氏之
甲藥高嗜酒而信內卒敗於陳鮑氏衛侯飲于籍圃卒為大夫
所惡嗚呼吾不賢者性實嗜酒尚懼為鄆舒之侈過此吾不為
也又焉得俾喧為靜乎俾靜為喧乎不為靜中淫弱乎不為酗
禍之波乎既淫弱酗禍作為心得不為慶封乎鄭伯乎樂高乎
衛侯乎蓋中性不能自節因箴以自符箴曰
酒之所樂樂其全真寧能我醉不醉於人
古詩

止酒

陶潛

居止次城邑道遙自閑止坐止高蔭下步止華門裏好味止園
葵太歡止稚子平生不止酒止酒情無喜暮止不安寢晨止不
能起日日欲止之管衛止不理徒知止不樂未信止利已姑覺
止為善今朝真止矣從此一止去將止扶桑淡清顏止宿客笑
止千萬祀

諸公和淵明止酒詩因同賦

陳去非

愛河漂一世既溺不能止不如淡生活吟詩北窓裏肺肝亦何
罪困此毛錐子不如友麴生是子差可喜二杯取徑醉萬緒散
貫起奈何劉伶婦告語見料理不如一覺睡浩然忘彼已三十
六策中此策信高矣政使江陵酒誓不涉其埃尚須學王通

黍供祭祀

止酒

張安國

飲酒見真性此酒不可止。一飲病三日。止酒寧獲已。飲酒有別腸。勸酒無惡意。既因酒成疾。那識酒真味。將軍醉不敬。次公醒而狂。破面長觸人。不如持空觴。人言我止酒。似是遣客計。但使客常滿。客醉我亦醉。

律詩

陳述古以詩見責屢不赴會復次韻

蘇子瞻

我生孤獨本無鄰。老病年來益自珍。肯對綠荷辭白酒。但愁新進笑陳人。北山怨鶴休驚夜。南畝巾車欲及辰。多謝清詩屢推

轂脂膏那解轉方輪

詩話

沁園春 見詞曲門

新編古今事文類聚續集卷之十五終

事文類聚續集

卷之十五

三十一

新編古今事文類聚續集卷之十六

建安 祝穆 和父 編

金陵 唐富春 子和 刊

食物部

飯 粥 羹

羣書要語饋餼稔也脩食飯也餼蒸飯氣也說文水澆飯曰飧

通俗文飲食男女人之大欲存焉禮運民之質矣日用飲食天

保一簞食一豆羹得之則生弗得則死噉爾而與之行道之人

弗受蹴爾而與之乞人不屑也告子八政以食為首前食貨志

人情一日不再食則饑同上主人為臣炊雕胡之飯宋玉賦

事類彙編

臠肉羹

說文臠高也香氣也釋名大羹不和 **注**肉汁也 記羹之

有菜者用挾曲禮懲於羹者而吹薤楚詞

詩句飯抄雲子白

杜新炊間黃梁杜嘗新破旅顏杜嘗擬報丁

飯

杜滑喜離胡飯杜翽擔橐以取薪斧冰持作糜苦寒行 **美勸**

客駝蹄羹

霜橙壓香橘杜誰欲討蓴羹杜媿客茹藜羹杜為爾

致羊羹

杜莫將北海金齏膾輕比東坡玉糝羹坡乾鍋更刮其

瓠羹坡

古今事實

蒸穀為飯

黃帝始蒸穀為飯 穀為粥周書又云始有金甌火食古史考

埃墮飯中

子在陳絕糧從者病

語十五孔子厄於陳蔡從者七日不食子

貢以所簞貨竊犯圍而出告糶於野人得米一石焉顏回仲由

炊之於壞屋之下有埃墨墮飯中顏回取而食之子貢自井望

見之問曰仁人廉士窮改節乎回曰改節即何稱於仁廉哉子

貢以所簞告孔子子曰吾將問之召顏淵曰疇昔予夢見先人

豈或啟佑我哉子炊而進飯吾將祭焉對曰有埃墨墮飯中欲

置之則不潔欲棄之則可惜回即食之不可祭也孔子曰然乎

吾亦食之家語

蔬食而樂

孔子曰飯蔬食飲水曲肱而枕之樂亦在其中矣

食我以禮

孔子曰吾食於少施氏而飽少施氏食我以禮

二旬九食

孔子居於衛緼袍無裏二旬九食田子方聞之使人遺狐白之

一簞食

顏子一簞食一瓢飲在陋巷人不堪其憂回也不改其樂

殺鷄為黍

荷篠丈人止于路宿殺鷄為黍而食之

暴飯往食

子輿與子桑為友霖雨十日子輿曰子桑殆病矣暴飯往食之

莊子

與之簞食

疑飯異等

孟嘗君待客夜食有入蔽火光客怒以為飯不等較食辭去孟嘗君起自持其飯比之客慙自刎

令馬食之

范睢坐須賈堂下令兩縣徒夾而馬食之

食貴於玉

蘇秦之楚三日乃得見王辭去王曰曾不少留對曰楚國食貴於玉新貴於桂謁者難得見如鬼王難得見如天今臣食玉炊桂因鬼見帝王日聞命矣 戰國策

漂母飯信

韓信常數從其下鄉南昌亭長寄食數月亭長患之乃晨炊蓐

食信食時往不為具食信亦知其意竟絕乃釣城下諸母漂有一母見信饑為設食信謂漂母曰吾必有以重報母母怒曰丈夫不能自食吾哀王孫而進食豈望報乎

老尚善飯見老門

不食盜食

東方有士曰爰旌自將有適而餓於道狐父之盜人丘也見而下壺餐以餽之爰旌自三饋而後能視曰子何為者也曰我狐父之人丘也爰旌自曰謔汝非盜耶胡為而食我兩手據地而嘔之不出喀喀然遂伏而死新序

俱過一飯

薛宣守左馮翊高陵令楊湛操陽令謝游皆貪猾不遜持郡短

趙宣子見翳桑餓人與之簞食靈輒也詳見報德門

戒二子食

衛獻公戒孫文子甯惠子食皆服而朝日旰不名而射鴻于圃二子從之不釋皮冠而與之言二子怒左

不食嗟來

齊大饑黔敖為粥於路以待餓者而食之有餓者蒙袂袂屣負貿然來黔敖左奉食右執飲曰嗟來食揚其目而視之曰予唯不食嗟來之食以至於斯也從而謝焉終日不食而死魯子聞之曰微與其嗟也可去其謝也可食

食脫粟飯

晏子相齊食脫粟飯晏子春秋公孫弘為丞相食一肉脫粟飯

食粟而已

曹交九尺四寸以長食粟而已孟子

遺粟而辭

子列子窮容貌有饑色客有言之鄭子陽者曰列禦寇蓋有道之士也子陽遺之粟子列子再拜而辭列子

班荆而食

楚伍舉將奔晉聲子將如晉遇之於鄭郊班荆相與食左

吹竽乞食

伍子胥夜行晝伏吹竽乞食於吳市

糲飯菜羹

孫叔敖為令尹糲飯菜羹

長及宣視事詣府謁宣設酒飯與相對接待甚備已而陰求其罪贓具得所受取密以手書曉之湛即時解印去游以大儒輕宣宣移書顯責之游得檄亦解印殺去

進麥飯

王郎起光武至南宮遇大風雨引車入道傍空舍馮與抱薪鄧禹爇火光武對竈燎衣異進麥飯兔肩

飯各有異

左雄為冀州刺史常食乾飯司馬苞為太尉常食漉飯李固為太尉常食麥飯出漢書

珍饌供母見母手門

有時絕粒

范舟所居單陋有時絕粒間里歌之曰甞中生塵范舟食五日
生魚范萊蕪

與語忘食

尹敏與班彪相厚每相與談常晏晷不食晝即至暝夜徹旦東
觀漢記 孫安國往殷中軍許共論往反精苦賓王遂至暮忘食

世說

留飯禮薄

步騭避亂江東與廣陵衛旌相善俱以種瓜自給會稽雋征羗
郡之豪族騭與旌寄食其地懼為所侵乃共修刺奉瓜以獻征
羗方內臥駐之移時旌欲去騭止之曰本所以來畏其強也今
舍去欲以為高祇怨耳良久征羗開牖見之隱几坐帳中設席

致地坐騰旌牖外旌愈耻之騰辭色自若征羗身自享大案餼
膳重沓而小盤飯與騰旌惟菜茹而已旌不能食騰極食致飽
乃辭出旌怒騰曰能忍此乎騰曰吾等貧賤是以主人以貧賤
遇之固其宜也當何所恥 吳志

食折米飯

王朗會稽敗太祖盛會啗之曰不能效君昔在會稽折粳米飯
朗曰宜適難值如朗者未可折而折明公可折而不折也 魏略

飯化為螺

石崇家稻米飯在地經宿皆化為螺時人以爲族滅之應

拾飯粒啗

殷仲堪在荊州連年饑饉仲堪食常五椀盤餘肴饌飯粒落席

間輒拾以啗之雖欲率物亦緣其性真素也晉書

含飯哺兒

却鑿遭永嘉喪亂窮餓鄉人共餽之鑿常携兄子外甥周翼二小兒會食卿人曰各自窮餓以君之賢共欲存君耳恐不能兼餽鑿於是獨往飯着兩頰還吐與二兒食

精飯食客

謝安嘗欲詣陸納納兄子傲密作食供之納設茶果而已傲下精飯食客納大怒杖四十曰不能光我叔父而乃穢我素風

食冷復暖

孫盛嘗詣殷浩談論對食奮擲塵尾毛悉落飯中食冷而復暖者數四至暮忘冷理竟不定由是知名本傳

食鎗底飯

宋陳遺少為縣吏母好食鎗底飯遺在役恒帶一囊每煮食輒錄其焦貽母

母為設食

湘州刺史王僧虔引樂頤之為主簿以同僚非入棄官去吏部即度景之嘗往候頤之為設食唯枯魚菜蔬景之曰我不能食毋聞之自出常膳魚菜數種景曰卿過於孝子偉我非郭林宗

不過兒飯

第五倫字伯魚修行清白嘗召見上曰聞卿為吏不過從兒飯寧有乏耶對曰臣生遭饑饉米石萬錢不敢妄過入飯

道上共食

陽城爲道州日炊米二斛魚一太鶩置杯杓道上共食之六帖
不暇擇美食一

唐乾符中有豪士承藉勳蔭錦衣玉食極口腹之欲嘗謂僧
聖剛曰凡以炭炊飯先燒令熟謂之鍊火方可入爨不然猶有
煙氣難餐及大寇先陷瀘洛財產剽盡昆仲數人與聖剛同竄
潛伏山草不食者三日賊鋒稍退徒步往河橋道中小店買脫
粟飯於士林同食美於梁肉僧笑曰此非鍊炭所炊但慙覩無
對康駢劇談錄

衣冠而食

張文定公安道平生未嘗不衣冠而食嘗暑月與其壻王鞏同
飯命鞏褫帶而已衫帽自如鞏不敢公曰吾自布衣諸生遭遇

至此一飯皆君賜也享君之賜敢不敬乎子自食某之食雖衣
衣無害也

飯後不拜

童惇少善養生嘗云遇饑雖不相識處亦須索飯若食飽時見
爺亦不拜東軒筆錄

食飽即寢

杜邠飲食洪博既飽即寢人有諫非攝生之理公曰君不見布
袋盛米放倒即慢南郡新書

飲啖兼人

韓玉汝平生喜飾厨傳二飲啖可兼數人出帥長安錢稭甫行
詞云喜廉頗之能飯玉汝不悅聞見錄

啜粥聲聞 以下係粥

尹吉甫仕至三卿其家大富食口數百人時歲大饑曾鼎鑊作粥啜聲聞數里食訖失二十人乃在鑊中齒取焦粥而已錄異

為粥待餓見飯門

田足供粥

顏回有負郭之田五十畝足以供檀粥

進豆粥

光武自劬東南馳至饒陽蕪蔓亭天寒眾皆饑疲馮異上豆粥明且光武曰昨得公孫豆粥饑寒俱解

炊飯成糜

有客詣陳太丘談鋒甚敏太丘乃令元方季方炊飯太丘問炊

何遲留元方長跪曰君與客言乃共竊聽炊忘著簞今皆成糜太丘曰爾頗有所識否元方長跪俱說言無遺失太丘曰如此俱成糜自可何必飯耶世說

進粥三可

郭林宗嘗止陳國問學見童子魏德公知其有異德公求近其房止供給洒掃林宗嘗不佳夜中命作粥林宗一啜怒而訶之曰高明為長者作粥使沙不可食以杯擲地德公更進粥二進三河德公無變容顏色殊悅林宗曰始見子之面今乃知子之心遂友善之卒為妙士本傳

肉糜

晉惠帝時天下荒亂百姓餓死帝曰何不食肉糜

咄嗟辨粥

石崇作豆粥咄嗟便辨每冬得非萍蓬王愷密問其帳下云豆至難孰後作熟豆客來但作白粥投之非萍蓬是擣非根雜以麥苗耳

暑着衣食粥

却嘉賓二伏之月詣謝公炎暑重赫雖當風交扇猶沾汗流離謝着故衣食熟白粥却謂謝曰自非君体幾不堪此世說

歲荒散粥

梁任昉為義興太守歲荒散私俸以米豆為粥活二千餘人

斟雉羹 以下係羹

楚辭云彭鏗斟雉帝何饗王逸注曰彭鏗彭祖也好和滋味蓋

斟雉羹事帝堯

熊羹不熟

紂王怒熊羹不熟而殺庖人劉向新序

烹子遺羹

文王長子伯邑考紂烹以為羹以賜文王曰聖人不食其子羹文王得而食之曰誰謂西伯聖者與食其子美而不知世紀

藜羹不糝

孔子厄陳蔡之間七日不食藜羹不糝以羹遺母

穎考叔曰小人有母皆嘗小人之食矣未嘗君之羹請以遺之殺羊食士

鄭伐宋將戰華元殺羊食土其御者羊斟不與焉及戰曰昔之羊羹子為政今日之事我為政與華元馳入鄭宋師敗績

染指羹羹 見龜門

烹羊遺羹

樂羊圍中山中山人烹其子遺之羹樂羊食盡褚師贊曰其子食之其誰不食羊下中山文侯賞其功而疑其心 戰國策

羊食二國

中山君饗士司馬子期在焉羊羹不遍子期怒走楚說王伐中山中山君二有二人挈手隨後問之曰臣父嘗餓且死君下壺食哺臣之父故來死君也中山君曰吾以一椀羊羹三國以一壺食得二十七死 戰國策

殺翁分羹

楚與漢相守羽乃為高祖置太公其上吾漢王曰今不惡下吾烹太公漢王曰吾與若俱北面受命懷王約為兄弟吾翁即若翁必欲烹而翁幸分我一杯羹項王怒欲殺之項伯曰且為天下者不顧家雖殺之無益也

嫂饒金羹 見嫂叔門

羹爛汝手 見德量門

以羹相戲

殷浮子孚有父風嘗與待中何勗共食孚羹盡勗云益殷尊羹勗司空無忌子也孚徐較筋曰何無忌諱

千里尊羹

陸士衡詩王武子武子有數斛羊酪指以示陸曰卿東吳何以敵此陸云千里尊羹未下監鼓郭子

不三羹戲

唐柳玘家戒余先君兄弟三人皆居清列非速客不三羹戲夕食藟藿瓠而已皆保重名

古今文集

古詩

乞食

陶潛

饑來驅我去不知竟何之行行至斯里門拙言辭主人謂余意遺贈豈虛來譚諧終日夕觴玉輒傾不帶欣新知勸言詠遂賦詩感子漂母惠愧我非韓才術戢知何謝冥報以相貽

陶淵明得一食至欲以冥謝主人哀哉哀哉此大類丐者口頰也非獨余京之舉世莫不哀也饑寒常在身功名常在身後二者不相待此士之所以窮也志林

豆粥 以下係粥

蘇子瞻

君不見滹沱流澌車折軸公孫倉皇奉豆粥濕薪破竈自燎衣
餓寒頓解劉文叔又不見金谷敲冰草木春帳下烹煎皆美人
菲莖豆粥不傳法咄嗟而辨石季倫于戈未解身如寄聲色相
傳心已醉身心顛倒自不知更識人間有真味豈知江頭千頃
雪色蘆花蒼出沒晨煙孤地確春杭光似玉沙粧煮豆軟如酥
我老此身無着處賣書來問東家住臥聽雞鳴粥熟時蓬頭曳
履君家去

口數粥行

范至能

家家臘月二十五，浙米如珠和豆煮。大杓輾鎗分口數，疫鬼聞香走無處。餛飩屑桂澆，蔗糖滑甘無比勝。黃梁全家團菜罷，晚飯在遠行人亦留分。祿中孩子疆教嘗，餘波徧霑獲與藏。新年叶氣調玉燭，天行已過來萬福。物無疵瀆年穀熟，長向臘殘分豆粥。

詩話

食粥

秦少游為黃本校勘錢穆父為戶書皆居東華門少游春日有詩遺穆父云三年京國賢如絲又見新花發故枝日典春衣非為酒家貧食粥已多時穆父以米二石送之

律詩 係美

過子忽出新意以山芋作玉糝羹色香味皆音絕天酥酥醜則不可知人間夫無此味也 蘇子瞻
香似龍涎仍醜白味如牛乳更全清莫將南海金龜膾輕比東坡玉糝羹

食物 嗜好

羶書要語脣雜肉也膾漬肉也膾宗廟熟肉也 說文脰者祖實祭肉也生曰脰熟曰膾蓋社肉也 穀梁
馘釋文肉脰細者為膾大者為馘 內則珍用八物注謂淳熬淳母炮豚炮牲擣珍漬熬肝管也 周禮膳夫鴈酒豆肉 坊記窮口腹之欲不能反躬天理滅矣 禮包驚鱸鯉 六月民之失德乾餱

以恣伐木肉之美者猩猩之唇呂氏春秋封熊之掌翰音之跡

燕解猩猩鬣殘鬣名所食之殘也象白張協七命紫駝之峯見駝明魚

我所欲也熊掌亦我所欲也孟子膾炙與羊棗孰美孟子食前

方丈孟子享有體薦宴有折俎左宣十六有酒如坻有肉如陵

左鼎膳及望和致芳只膳熟也芳椒姜也楚辭晚食以當肉安

行以當軍戰國策攻苦食淡漢呂后疏屬之食六帖漿酒藿肉

鮑宣傳不過一肉卮酒相對張禹傳人知肉味卽對屠門而木

嚼桓譚新論金齏玉膾東南佳味南部煙花傳鼎膳俎臠柳文

到腹割鮮劉賓客文

詩句陶盤奉旨黃竹筋羞雞炙韓紫駝之峯出翠金杜甲第紛

紛厭梁肉杜黃雞啄黍秋正肥李桃花流水鱖魚肥坡酒淺欣

嘗午尾程坡

古今事實

餒敗不食

孔子曰魚餒而肉敗不食色惡不食臭惡不食失飪不食不時

不食不得其醬不食肉雖多不使勝食氣

燔肉不至

孔子為魯司寇不用從而祭燔肉不至不稅冕而行不知者以

為為肉也其知者以為為無禮也

列鼎而食

子路南游於楚列鼎而食家語

能踏不熟

晉靈公使宰夫膳熊蹯不熟殺之

肉食者鄙

齊師伐我公將戰曹劌請見其鄉人鄉人曰肉食者謀之又何間焉劌曰肉食者鄙未能遠謀乃入見莊十

烹猴為羹

楚有烹猴者而召其鄰人鄰人以為大羹而其之後聞其猴盡吐瀉其所食此未知味者

食惟一肉

公孫弘為丞相食惟一肉

不重味

朱博廉儉自微賤至富貴食不重味按上不過二杯

客知食物

曹元理善筭術嘗詣陳廣漢設食甚薄廣漢曰有倉卒客無倉卒主人元理以七箸著曰俎上蒸牲厨中荔支何不設廣漢大驚西京雜記

口腹累人見猪門

預知食物

趙達嘗過知故取盤中隻箸再從橫之乃言鄉東壁下有美酒一斛又有鹿肉二斤何以辭無吳志

五侯鯖

五侯不相能賓客不相往來其護豐辯傳會五侯間各得其歡心競致奇膳護乃合以為鯖世稱五侯鯖以為珍西京雜記

供饌甚豐

晉武帝嘗幸王濟宅供饌甚豐悉貯琉璃器中

禁燔肉

晉元帝始鎮建業每得一豚以為珍膳項上一燔尤美輒以薦帝羣下未嘗敢食時呼為禁燔肉謝琨

一食萬錢

何曾日食近萬錢猶云無下箸處子劭奢後每食必盡四方珍饌一日之供以二萬為限北齊韓晉明好酒誕縱招引賓客一席之費動至萬錢猶恨儉率

恐害物命

何胤後於味食必方丈後稍欲去其甚者猶食白魚鮓脯糖蟹

以為非見生物擬食蚶蠣使門人議之鍾玩曰鮓之就脯驟於屈伸蟹之將糖躁擾彌甚仁人用意深懷如但至於車鰲蜃蠣冒目闕慙混沌之奇曠慮外絨非金玉之慎不悴不榮會草木之不若無香無味與瓦礫其何等宜充庖厨永為口味

一食二韭

晉高陽王雍為相一食數萬錢李崇曰高陽一飯敵我千日崇為尚書令富傾天下而性儉去食常無肉止有韭茹韭菹人云令公一食十八種蓋二韭十八也洛陽伽藍記

食牛心炙見牛門

不食羊肉

齊王肅歸魏初不食羊肉及酪漿常食鯽魚羹渴飲茶茗汁高

帝曰羊肉何如魚羹茶茗何如酪漿蕭曰羊陸產之最魚水族之長羊比齊魯大邦魚比邾莒小國惟酪不中與茗作奴彭城王勰曰卿不重齊魯大邦而愛邾莒小國明日為卿設邾莒之會亦有酪奴因呼茗為酪奴洛陽伽藍記

對客獨食

北齊崔瞻為待御史在臺中送食備盡珍羞別室獨食有一御史姓裴伺瞻食便造焉瞻不與交言又不命是筋觀瞻食罷而退明日自攜是筋恣情飲噉曰我初不喚君食又不與君語遂能不拘小節昔劉毅冒請鴛炙豈亦異是君定奇士每與同食

御史食鷄

馬周每行郡縣食必進鷄小吏訟之帝曰我禁御史食肉此州縣廣費食鷄尚何與榜吏斥之

以牛炙死

杜甫客耒陽游岳祠大水遽至涉旬不得食縣令具舟迎之令嘗牛炙白酒而死

棄饌直萬錢

韋陟性奢侈於饌羞尤為精潔每食異視厨中所委棄不啻萬錢之直

饌不能名

唐裴冕性豪侈每廣會賓客不能名其饌

爛蒸葫蘆

鄭餘慶與入會食日高衆客皆餒呼左右曰爛蒸去毛莫拗折
項諸人相顧以爲必蒸鵝鴨良久就餐每人前下粟米飯一椀
蒸葫蘆一枚餘慶餐美諸人強進而罷東坡汴字韻詩却作盧
懷謹豈其偶忘之耶太平廣記見泊宅編

設食唯菜

盧懷謹爲黃門監兼吏部尚書臥病既久宋璟盧從愿嘗相與
訪焉懷謹臥於敝簣門無簾箔常器重環及從愿見之甚喜命
設食有蒸豆兩甌菜數俎而已此外脩然無辨

積食

杜鎬廣博爲龍圖閣學士宋真宗問積食原於何代鎬曰漢景
帝爲太子文帝鍾愛既居東朝文帝曰太子之食必將殊勝乃

命太官每具兩擔積以賜之此其始也

食必盡器

查道以謹儉率易爲待制每食必盡一器度已不勝則不下筋
雖蔬茹亦然常曰福當如是惜

廊食無懼

張文定公齊賢河南人少爲舉時貧甚客河南尹張全義門下
飲啖兼數人自言平時未嘗飽遇村人作願齋方飽常赴齋後
時見其家懸一牛皮取煮食之無遺宋太祖幸西都文定獻十
策於馬前召至行宮賜衛士廊食文定就大盤中以手取食帝
用桂斧擊其首問所言十事文定且食且對略無懼色賜束帛
遺之

食可一大桶

張僕射齊賢每嗜肥猪肉數斤天壽院風藥黑神丸常人不過服一彈丸公以五七兩為大劑夾以胡餅食之罷相知安州與客燕食厨吏置一大桶切視公所食如其物投桶中至暮浸漬蒲桶晏兀獻清瘦如削每折半餅以筋卷之抽筋就肉念頭一莖食之此亦異於人也 歸田錄

嗜昌歆 以下係嗜好

周文王嗜昌歆道

嗜羊棗

魯曾嗜羊棗曾子不忍食羊棗

嗜芝

屈到嗜芝有疾召宗老而告之曰祭我必以芝及祥祭宗老將薦其子屈建命去曰祭國有牛享夫有羊饋士有豚犬之奠庶人有魚炙之奠籩豆簠簋上下供之不羞珍異不陳庶後天子以私欲干國之典

嗜酒

鄭伯有嗜酒

嗜魚

公儀嗜魚人獻不受曰吾祿自可致魚

嗜牛心炙

王右軍嗜牛心炙

古今文集

古今文集

古今文集

古今文集

雜著

食箴并序

皮日休

皮子少且賤至於食自甘棗糖而已未嘗食於鄉里食於親戚
 食於州鄙有鄙邑大夫嚮皮子之名曾未相贊其厚羞以貧之
 皮子諱大夫訂之曰子自甘棗糖則可矣於鄉里親戚州鄙何
 有皮子曰一杯之食至鮮矣苟專其味必不能自抑既不能自
 抑日須豐其羞既日須豐其羞則貧也不能無不足因是妄求
 苟欲之心生窮貪極嗜之名生且大夫不能見前世之味禍乎
 故羊斟不及華元受其謀彘羹不均子家肆其禍熊蹯不熟殺
 宰夫而趙穿弑雙鷄易鶩饋子雅而慶舍死嗚呼吾不仁者乎
 誠賴其用所欲不可求所嗜不可得方自甘棗糖而已使我生

於鍾鼎之家膏粱之門日縱異嗜年成奇欲未必不為御者之
 奔華元也子家之伐靈公也晉靈之殺宰夫也蘆蒲葵之殺慶
 舍也此猶之貪獸爭食而死者矣故食於天子者則死其天下
 食於諸侯者則死其國食於大夫者則死其邑食於士者則死
 其家又焉能以鄉里親戚州鄙為讓乎大夫曰善自惟食之性
 不能自節亦由酒之性也復箴以自符箴曰
 寧能我食不食於人既食於人是食其身

老饕賦

蘇子瞻

庖丁鼓刀易牙烹熬水欲新而金欲潔火惡陳而薪惡勞九蒸
 暴而日燥百上下而盪塵宜項上之一變嚼霜前之兩螯爛櫻
 珠之煎蜜滷杏酪之蒸羔蛤半熟而含酒蟹微生而帶糟蓋聚

物之妖美以養吾之老饕彼姬姜顏如李飛彈湘妃之玉瑟
鼓帝子之雲璈命仙人之萼綠華舞古曲之鬱輪袍引南海之
玻璃酌涼州之蒲萄願先生之考壽分餘瀝於兩髦候紅潮於
玉頰驚暖響於檀槽忽纍珠之妙唱抽獨繭之長線閱手倦而
少休疑吻燥而當膏倒一缸之雪乳列百拖之瓊艘各眼灑於
秋水咸骨醉於春醪美人告去已而雲散先生方兀然而禪逃
響松風於蟹眼浮雪花於兔臺先生一笑而起渺海闊而天高

國忌葷素食

來喻引范公說以為伊川所為范公未必盡知若率先具素饌
則應大與東坡忤何以能處程蘇之間而無違言乎此則恐於
事理皆未盡也至於國忌齋筵葷素所宜則以范公之賢於已

之所行自當顧義理之是非以為從違不當視同列之喜怒以
為前卻也使其果欲依違兩間曲全交好則具素饌既忤東坡
具肉食亦忤伊川若慮於彼而忽於此則亦非所以兩全矣况
范公之意未必出此而他書所記亦云范醇夫輩食素秦黃輩
食肉耶所記雖不同而范公之不畏東坡而每事徇從亦當時
所共知矣 朱元晦答呂伯恭淵源錄

荆公無所嗜

老蘇辨姦初間只是私意如此後來荆公做不着遂中他說然
荆公氣骨自是一箇要遺形骸離世俗底模樣喫物不知饑飽
嘗記一書載公於飲食絕無所嗜惟近者必盡左右疑其好也
次日易以他物而置此品於遠則不食矣往往於食未嘗知味

事物紀原卷之十
物文類聚續集卷之十
也至如食鈞餌當時以為詐其實自不知也近世呂伯恭亦然
面垢身汚似所不恤飲食亦不知多寡以此等為姦恐不然也
朱語錄

脯鮓

羶書要語脯乾肉也修脯也說文脯搏也乾燥相搏着也修縮也乾燥縮也釋名腊人掌乾肉凡田獸之脯腊臠腊之周禮婦之贊脯修禮記腊乾雉脯乾魚周禮註

詩句秦烹惟羊羹隴饌有熊腊坡

古今事實

束修

子曰自行束修以上吾未嘗無誨焉

賜脯遺母

趙宣子將之絳見翳桑之下有餓人宣子與脯二胸拜受而不
敢食問其故曰臣有母持以遺之宣子更賜之脯二束而去

賣脯致富

濁氏以賣脯而連騎漢晉

左慈酒脯

左慈詣劉表請鴛鴦有酒一器脯一盤萬人皆周而酒器如故
脯亦不減神仙傳

碎麟脯

王遠至蔡經家與麻姑共設有膳碎麟脯而行之神仙傳

事類彙編續集

卷之十

二十

龍肉鮓以下係鮓

陸機餽張華鮓華曰此龍肉也遂以苦酒沃鮓鮓中有五色光機還問鮓主果云園中茅積下得一白魚狀殊常以鮓過美

魚鮓寄母

孟仁為監池司馬自能結網手捕魚作鮓寄母母還之曰汝為魚官而以鮓寄我非避嫌也

蛆鮓遺母

陶侃作漁吏以一蛆鮓遺母母以書責侃詳見教子門

妄疑盜鮓

桑虞嘗行宿寄逆旅同舍客失脯疑虞為盜虞默然使鮓衣償之主人曰此舍數失魚肉鷄鴨多是狐狸偷君何以疑人乃將

脯主山家問尋果得之客求還衣虞投之不顧晉書

託鮓諷子

王瑩代謝超宗為義興太守與訓交惡超宗到郡後父懋往超宗處超宗設精白鮓美鮓獐巴懋問那得佳味超宗詭言瑩始見餽伴驚曰大人豈應不得耶懋大忿言於朝廷稱瑩供養不足坐失廢棄久之

饋蘆腹鮓

白樂天方齋劉禹錫饋蘆腹鮓文集

古今文集

古詩

子魚

劉彥冲

舊聞通印名海錯珍莫踰火氣燦鱗鱗函香泛庖廚泥泥子盈
胞鮮美禍所區生如粒芥微多若囊粟儲他年想吞舟勿輕此
錙銖一咀命千百雖其汝安無窮冬季乳時冒塵海為虐舍凍
體猶濕得瀉味已渝虐戲等剗孕滯刑幾戮孳人深穰祿恩在
物愛豈殊聞風易殺子盪水沉其軀詎有惻恆心旁推及豚魚
相殘人獸均自殘獸不如哦詩化蠶椽因警饕餮徒

謝吳春卿餉臘猪肉見猪門

李聖俞求黃雀醢法戲作醢經遺之見黃雀門

早稲田大学図書館

011488505868